

97. Per *animum amritum stillantem* eum intelligit qui omnia terrena exuit et summi numinis cognitione gaudet, sive hominis, ut Schol. verbis dicamus: मत्स्वभावस्य ज्ञेयज्ञातृसंबन्धेन रस-
स्वरूपब्रह्मविशिष्टस्य ॥ Illud autem vocabulum quo tanquam cibo utitur *Brahma* est, नित्यस्व-
रूपब्रह्म ॥ (vid. *Windischmannum* p. 128. in Sancar.). In sola Edit. Sr. exstat sententia
p. 105.
98. Videmus ad quam duxerit dementiam pulchrum per se ac sapientissimum praeceptum de
rebus externis contemnendis et cogitatione salutis ergo in Deum dirigenda: vult sordidus
auctor — non idem Bhartriharis ille qui Nitim composuit — ut bestiarum more (वनस्थ-
लीशयनाः मृगादयः) in sylvis degamus ad sensuum oblectamenta evitanda et summam perfe-
ctionem obtinendam. Serpens *vento* pasci putatur ut apud Hebraeos *pulvere*, sed simul
latet in हिंसा vocabulo, speciatim de caede animalium usurpato, nullum cum pabulo illo
crimen esse coniunctum, quod bene vidit qui Rogerium francogallico sermone reddidit:
Bramm a ordonné une viande pour les serpens, sans qu'on tuë rien, qui est le vent. Verba
belgica (apud *Dapperium Asia* p. 30.) rem minus tangunt: *Bramma heeft de wint voor de*
slangen tot een spyze, het gras voor de beesten geschikt. Deze zyn een en de zeloe spyze
en niemand lyd daer nadeel by. Incongruae Cod. B. lectiones sunt: भ्रात्रा मरुत्कल्पितं ad
versum 96 forsitan respicientes ubi *aether* frater vocabatur; dein सृष्टाः pro पुष्टाः praebet et
सततं *semper* loco सहसा = हठात्कारेण.
99. Sensus est: mundus vult decipi, decipiatur ergo; nos autem devoti et animo sinceri li-
benter divinam illam quam in promptu habemus, numinis scientiam impertimus. Voca-
bulum गालि apud Careyum in lexico Bengal. *scurrilitatem* indicat; vox videtur composita
ex गा *vox* et गालि *series, copia* ut puncto subscripto Editores Sriram. indicare voluerunt:
verba igitur obscura et confusa denotat (Schol. गालिमत्वं nostrum *galimathias*) sed cum
notione *fraudis* coniuncta, quare sapientiae opponuntur. *Leporis cornu* pro re nihili ac
vana habuimus *Niti* 5. Cod. B. ultimum distichi membrum legit:
ददतु शशविषाणं ये महात्यागिनो ऽपि ॥
qui magni devoti vel leporis cornu darent? Fateor versiculum hunc et proxime sequentem
mihi in hac decade paullulum esse suspectos, sed quales sint substituendi ambiguus hae-
reo, igitur seriem turbare nolui.
100. Querelas fundit sententia de neglecta scientia divina, per quam semper vitam asceticam
intelligit noster. Non sine vi ponuntur *reguli*, inest enim: vel in exigua quacunque re-
gione h. e. ubique. Nominativum suppeditat Schol. पृथिव्येकदेशभोजिनो राज्ञः sequens vero
vocabulum cum eodem in Accusativum erat corrigendum. Minus bene Cod. B. क्षितितल^०
inducit. Alias scriptoris hallucinationes omittimus.